



Sud Bosne i Hercegovine

Суд Босне и Херцеговине

Broj: Su-08-166/19

Datum: 19.06.2019.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05) na preporuku Stalne komisije za javne nabavke Suda BiH broj: Su-08-164/19 od 18.06.2019. godine u postupku javne nabavke usluge oglašavanja za LOT 2 - usluga oglašavanja u dnevnim novinama koje su registrovane u Republici Srpskoj – 79341000-6, donosim

ODLUKU

o izboru najpovoljnijeg ponuđača za nabavku usluge oglašavanja za LOT 2 – usluga oglašavanja u dnevnim novinama koje su registrovane u Republici Srpskoj

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija) broj: Su-08-164/19 od 18.06.2019. godine i Ugovor za nabavku usluge oglašavanja za **LOT 2 – usluga oglašavanja u dnevnim novinama koje su registrovane u Republici Srpskoj** - oznaka i naziv iz JRJN: **79341000-6** (Usluge oglašavanja), dodjeljuje se ponuđaču „**N.I.G.D. Dnevne nezavisne novine**“ **d.o.o. Banja Luka**, sa sjedištem na adresi Braće Pišteljić 1, a ponuda ovog ponuđača broj: 01-265/19 od 07.06.2019 godine za ponuđenu cijenu od **2.380,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**N.I.G.D. Dnevne nezavisne novine**“ **d.o.o. Banja Luka** po proteku roka od 10 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge oglašavanja za LOT 2 – usluga oglašavanja u dnevnim novinama koje su registrovane u Republici Srpskoj broj: Su-08-138/19 od 16.05.2019. godine. Javna nabavka je provedena putem konkurentskog zahtjeva za dostavu ponuda broj: Su-08-150/19, a procijenjena vrijednost javne nabavke bez PDV-a je 2.560,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-2-12-3-24/19 od 30.05.2019. godine sa tenderskom dokumentacijom. Krajnji rok za dostavu ponuda je 10.06.2019. godine do 12.00 sati

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge oglašavanja za LOT 2 – usluga oglašavanja u dnevnim novinama koje su registrovane u Republici Srpskoj. Komisija je blagovremeno i pravilno izvršila javno otvaranje ponuda dana 10.06.2019. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajući zapisnik u kojem je utvrđeno slijedeće: da je blagovremeno do krajnjeg roka za dostavu ponuda pristigla jedna (1) ponuda od ponuđača N.I.G.D. Dnevne nezavisne novine d.o.o. Banja Luka, da nije bilo neblagovremeno pristiglih ponuda. Ponuda ponuđača N.I.G.D. Dnevne nezavisne novine d.o.o. Banja Luka ocijenjena je prihvatljivom u skladu sa tenderskom dokumentacijom. U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „N.I.G.D. Dnevne nezavisne novine“ d.o.o. Banja Luka izabran primjenjujući kriterij najniže cijene koja je ponuđena u iznosu od **2.380,00 KM bez PDV-a**.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

